

剡源戴先生文集

剡源戴先生文集卷之二十七

四明戴表元帥初

古詩五言

大名元復初郎中携示感遇五言八章次韻并陳東平
曹子貞編修薊丘曹克明教授

美人乘天風手吹玉參差我有龍門桐綴之冰蚕絲空中一
偈谷聞者為忘機神馬已出河鳳皇且鳴岐悠悠百年內儻
有相逢時

我登海山巔羣丘耿如芥客來談九州更詰誰小大神疲糝
滿馭足璽神始載終然方寸心擾擾軀殼外流光如急水一
去難復再歸來坐虛室始覺身安泰老馬寧為駒即且或甘
帶名跡吾不嫌全生聊遠害明有不見睫智有不衛足學靜

三十年晚始悟無欲履卑懼名高居群忌行獨不見歌鍾家
白日臥金谷不見帶索生行吟扣哀竹為君慎燕息顧兔方
在腹

東陽方韶卿惠古意七篇久不得和五月二十六日將
假館宗陽橋稍有閒暇乃為次韻因寄訊彼中吳子
善前輩子善陳文毅公同父甥孫

長歲狎紛誼新廬稍踈靜虛名亦相累簪珮來整整青天戍
樓柳白日仙林杏散書一長誼消此清夏永

二

營營寄巢蜂白晝爭空花跋跋緣壁虫喧飛亂如麻譬如惡
俗士便不揮鞭撾桐君何處來隔壁聞瓠巴

三

舊文空中雲零落跡易消新交江上流來去同奔潮藹藹玄
英孫望之十舍遙願爾多黍稌相投共簞瓢

四

人膽小於壺揣想無限極及其遂所願不過一消息金華文
物府前哲餘楷則千年萬年名豈使夸者得

五

作詩如挽船學力乃篙櫓向來牛耳盟諸老肯多許元暉雲
樹荒仲宣江海阻之子歸未歸相思慰風雨

六

德孤誰願高氣寒誰願清斯文鄒魯來塹坎勞其生豈無性
命憂艱難愈同情如何及門士亦作胡越聲

七

永康經濟學近古將無同甥孫世其業汗馬收全功我欲攬
遺跡雙眸冰鏡空君亦跨黃鵠吹簫白雲中

韓君美經歷賦孟夏木長五詩示僕因寫鄙懷通呈阮
使君君美時與諸公講易

吾評陶淵明略似段干木詩文雖滿家不飽妻子腹仰瞻清
風柯俯窺白雲谷誰能為升斗辛苦受羈束因君寄高韻干
古動遐矚

以羔裘如濡洵美且侯韻為八詩送夾谷子括赴明州
推官

鑑虛磨愈明絃柔調自直臨民要儒術非但用三尺君看春
秋學從士能斷國人情豈相遠贈子以不惑

水耕當用牛陸行當用馬詩書無近功平世安可捨吾州兵
荒來冠蓋多苟且寧無段干木意氣能少下

送袁季源之婺州因簡范經歷

為山不願高為水不願深水深蛟龍集山高虎豹蹲我有避
人法終日衣冠林煌煌錢塘城游塵晝為陰豈無青雲交難
在相知心豈弟袁大夫寒窓理閑琴峻坂為牛力炎天九秋
襟膠漆四十年齟齬以至今天欲饑餓我使子無黃金勸仕
拙不諧驅耕弱難任低回向誰門後生氣馭馭今晨積潦霽
鳥鳥有好音約我共行役東平步欽欽皎皎婺女精瀾瀾雙
溪潯臺有白馬生風稜共蕭森文林惜妄動動必向所欽吾
評古毛義志行近騫參公府許辟召屈身非祿淫斯人我知
舊長髯善哭吟穴蟻夢離合風花命浮沉往者納千贄終然

遺一簪欲行又不得出門失前禽子往再拜問何由振聾喑
次韻荅朱侯招遊海山

江南春草黃江北秋鴈飛窮居念還往故物悉已非我有青
雲交山林可同歸十年學撫琴對客輒累欵豈不願和悅調
苦心易為青天無古今白日相因依向來炎炎人所得一何
微成者化埃塵不成翻禍機玉美受雕鐫馬良遭絆鞿所以
曠達士但貴知我希請休接輿歌且急梁鴻噫名微少士責
身閒免官譏寧無一日力相尋盡崎嶇霜魚碧玉鱸水菊黃
金輝君歌我按筑我舞君攬衣此日為君歡醉遊敞船扉
題陳高士所藏冬青枝上白頭翁畫

飛高得珍叢青子飢可食不知何憂愁二鳥頭亦白道人天
機深清齋意相許賴汝不能鳴一鳴嫌殺汝

以空飛本無迹韻為五詩往扣廣微張公

智有不近名賢有不踐迹百年如飄風誰作遠行客所要在持久以道自消息吾師豈欺我白首方學易

浴蚕沙溪水一首為上饒陳烈婦作烈婦信州上饒人嫁同郡葉氏年二十五生子四齡而寡丙子兵寇起能以智全其家歲飢發粟賑貧類大丈夫慷慨知大節非徒守閨門貞行而已有司上其事賜旌表蠲復如法

浴蚕沙溪水採桑玉山巔絲成白稜稜膠作烈婦絃烈婦何所言絃中意纏綿一說鸞影孤二訴雛巢穿巢穿尚可背影孤恨終天有食不自肥衆禽仰喉咽真辜憫其疲勞役盡弛蠲及今雛長成雛羣亦踰蹊朝陽照岩林枯槁生光妍黃蘗

誰謂苦鐵石誰謂堅請君屏俗耳聽我沙溪篇

書歎七首

王生困縲紲

泳道

劉子急徵追

正仲

舒叟挈家走幾遭鞭與

笞

東野

我無三人辱闔門但窮飢飽死世更多徒憂何以為

敢作小夫歎聊為才士悲

舒子高品藻王生怪衣冠處世那得爾饒饒真自殘劉子最多愛逢人傾肺肝勸我學其道縮身可泥蟠胡為亦不免念此坐長嘆

英莫天上星碌碌澗中石升沉雖不同精爽或相激我有知

名文四海邯鄲壁

子昂

遭逢不自悶頗為談者惜談者自不

知斯人寧易得

袁弟豁達人陳兄靜默士平生少附麗頗與同憂喜邇來怪

事發談笑不可擬一為脫淵魚一為墜柯蟻吁嗟其柰何天
運固如此

數友越州居無書已三年台州已無數逢人每相賢日夜憶
遠友遠者隔蠻煙風氣不擇州俗情輕目前管鮑死何處寄
酒洒其耳

結友何用多管鮑無三人讀書何用博得少全其身君有狗
名子擾擾起風塵朝逐富兒食暮聯豪士茵歸來反如客魚
鳥亦相噴

蘇州米空熟越州人不來緩急托遠婚不如傍蒿萊蒿萊在
籬落為我障浮埃生女屬他人生男尚嬰孩從何得饘粥作
此聊自哈

觀村中禱雨三首

十里不同雲五里不同雨天公白茫茫乃爾多肺腑人言蛟
龍神象類可以取蛇虫當此時行路誰敢侮飛騰信有術忍
待蹠者苦咄哉神禹功浩蕩流萬古

二

昨日苗穗赤今朝洒然青頗知窮旅人百金換顏形念爾雖
微根同稟造化靈自古有枯旱人類幾千齡恐是自生化難
皆問蒼冥野草人不憐何獨不凋零

三

西村送龍歸東村請龍出西村雨綿綿東村猶出日共稱西
人良或是窮可恤誰知所雨粟盡入東村室儒生無愛憎但
喜蔬旅實通年一飽厨猶在兔園帙

山中翫物雜言十首

時露下百草流螢此飛翻初如灰燼微忽作秋星繁念彼生
育處回光照其根君莫輕流螢流螢尚知恩

二

青橘霜露時英英秀中園問訊訊居人今歲胡不蕃云有孤
兒來手觸枝上丸嗚呼此義木痛感在吾言

三

野果散高林雀鼠食之宜設非人所殘一顆不敢窺寧由網
罟防亦無神物司食道固當爾雀鼠猶有知

四

見狗須不走見蛇須拱手不走爾非偷拱手亦相厚無欺物
自信能勝誰肯負不見吳山虎郭文探其口

五

鳥有反舌者自古比讒人時氣一朝遷此舌竟不伸衆鳥莫不然更鳴以存身如何能言士聒聒無止辰

六

犁牛有土德體厚靜綏綏豈無牝牡情不自求其雌終朝草
棧間若忘渴與飢嗟彼位兒高乃爾難自持

七

精衛勇填海鵲旦苦求明明尚可求得求填海何時成我觀飛
鳴族一一各有營但為口腹謀遂爾遺其名

八

燕是孝義鳥常棲孝義家堂簷白日煖上下靜無譁以此托
軀羽禍福審不差誰云知數歷俗士義之夸

九

圃人憂孽虫為蔬畜雞雛小雞擇虫啄大雞遂啄蔬虫去蔬亦盡對之可歛歔昂昂高冠憤反不小雞如

十

蚯蚓食土壤虫何所為蝸蟬飲風露蛻上高高枝卑者慕其仙飄飄安可追倘令智相及無羨亦無悲

自居剡源少遇樂歲辛巳之秋山田可擬上熟吾貧庶幾得少安乎乃和淵明貧士七首與鄰人歌而樂之貧賤如故舊少壯即相依中心不敢厭但覺少光輝向來乘時士亦有能奮飛一朝權勢歇欲退無所歸不如行其素辛苦耐寒飢人生係天運何用發深悲

二

我居在窮巷來往無華軒辛勤衣食物出此二畝園薤松鬱

朝露桑柘浮春烟以茲亂心曲智計無他妍擇勝不在奢興
至發清言相逢樵牧徒混混誰愚賢

三

松風四山來清宵響瑤琴聽之不能寐中有怨歎音旦起繞
其樹硯硯不計尋清音可敷席有酒誰與斟由來大度士不
受流俗侵浩歌相倡合慰此雪霜心

四

中年涉事熟欲學唾面婁逡巡避少年起穢不敢酬旁人吁
已甚自喜計慮周微勞消厚疚淺辱勝深憂從知為下安處
上反無備人生各有志勇懦從所求

五

古人重畎畝有祿不待干德成祿自至釋耒列王官不仕亦

不貧本自足饗餐後世恥躬耕號呼脫飢寒我生千禩後念此愧在顏為農尚可飽何用出柴關

六

村郊多父老面垢頭如蓬我嘗使之言辭語不待工古來名節士敢望彭城龔有叟謂其後更恨道不同鄙哉諛諛者為隘不為通低頭拜野老負耒吾願從

七

去年秋事荒敗糴仰鄰州健者道路間什伯成朋儔今年漸向熟庶幾民不流書生自無田與衆同喜憂作詩勞鄰曲有唱誰與酬亦無採詩者此職何可修

丁氏厚德堂

賤士懷永憂一物常恐枯貴者止營私智或遺妻孥肉食從

古鄙黃金使人愚我游四十年錢塘車馬區但見插桃李誰
曾種桑榆白頭識丁子儀冠儼于于示我厚德編嘉名在塘
隅談之為踴躍喜氣生眉鬚願子富倉庾人人飽餐餽願子
多酒漿日日開樽壺行藏自有命不謁守錢奴

排律十七韻賀阮侯伯子

芳城春樹晚清海月弦初瑞出三神島光纏五馬車眼中新
鸞鶯膝下小璫璵錦褕看爭羨犀顙盡不如試啼賓錯愕獻
夢媼勤渠庭舞張公鶴門填孔氏魚一時官府慶數世甲科
儲聞說衣冠里高增祭戟閭民隨阮公姓鄰禁宛溪魚東去
龜浮印南遊雉遶車陰移棠芾芾騎擁竹舒舒政有兒童戀
謹聽父老餘攢眉詢賦額正色署刑書暗室天如鏡心田老
自畚看騎金腰裊待弄玉蟾蜍我欲歌三賈誰能說兩徐先